

穀

梁

大

義

述

皇清經解續編卷千九

南菁書院

穀梁大義述二十一

丹徒柳興恩賓叔著

述長編

經部

左傳注疏卷第一劉歆以爲左丘明好惡與聖人同親見夫子而公羊穀梁在七十二弟子後傳聞之與親見其詳略不同歆數以問向向不能非也至鄭玄箴左氏膏肓發公羊墨守起穀梁廢疾自此以後二傳遂微

述曰

又曰公羊穀梁之書道聽塗說之學或日或月妄生褒貶先儒溺於二傳橫爲左氏造日月褒貶之例

述曰孔又云左氏以日月爲義例者有卿卒日食二事蒙謂先儒由此二事推之爲左氏發日月之例不得斥爲橫造也孔又云公羊穀梁口相傳授因事起問意與左氏不同故引之以解左氏適足以自錯亂也

述曰穀梁因事起問所以申釋經義故宋儒云公穀傳義不傳事左氏傳事不傳義三傳相須不可偏廢也

孔又云莊十九年公子結媵陳人之婦于鄆杜注云公羊穀梁皆以爲魯女媵陳人之婦僖九年伯姬卒杜注云公羊穀梁曰未適人故不稱國如此之類是簡二傳也先儒取二傳多矣杜不取者是去異端也

述曰杜預習左氏則非先儒之引公穀者范甯解穀梁又非

先儒之引左公者而其實均未免躬自蹈之徒爭門戶之見夫亦可以不必矣

又云丘明作傳不敢與聖言相亂故與經別行何止丘明公羊穀梁及毛公韓嬰之爲詩作傳莫不皆爾

述曰

闕

卷第一杜預序春秋之作左氏及穀梁無明文

述曰左氏或無明文若穀梁則義具首篇一展卷而大旨瞭然此蒙之大義述所由作也

卷二經元年孔疏此經字并下傳字亦杜氏所題公羊穀梁二傳年上皆無經傳字

述曰

闕

又云穀梁傳曰乘馬曰賙謂宰咍用乘馬來也

述曰

又云穀梁以極爲國杜云附庸者沈云以費伯帥師城郟因得勝極則極是境內故云附庸

述曰沈云者沈文阿

孔正義序其爲義疏者則有沈文阿阮校勘記何當作阿

亦穀梁家

也見經師攷

卷三孔疏穀梁傳曰其不言食之者何也知其不可知也穀

梁傳曰言日不言朔食晦日也朔日並不言食晦夜也朔日並言食正朔也言朔不言日食既朔也

述曰舉此四例而春秋之義始盡此穀梁之說較左氏公羊爲備者詳述例日食條

又穀梁傳云高曰崩厚曰崩尊曰崩天子之崩曰尊也以其在民上故崩之其不名何也太上故不名也蘇氏云王后崩太子卒不書者赴不及魯也今以爲略之例所不書也

述曰蘇者蘇寬孔疏序其爲義疏者則有沈文何蘇寬劉炫又隱五年穀梁傳曰四時之田皆爲宗廟之事也春曰田夏曰苗秋曰蒐冬曰狩 漢代古學不行章帝集諸學士作白虎通義因穀梁之文爲之生說曰王者諸侯所以田獵何爲苗除害上以共宗廟下以簡集士眾也春謂之田何春歲之本舉本名而言之也夏謂之苗何擇去其懷任者也秋謂之蒐何蒐索肥者也冬謂之狩何守地而取之也四時之田總謂之田何爲田除害也案苗非懷任之名何云擇去懷任秋獸

盡皆不瘦何云蒐索取肥雖名通義義不通也

述曰

闕

又穀梁傳曰禮尊不親小事卑不尸大功魚卑者之事也公觀之非正也

述曰

闕

卷五

桓二年

公羊穀梁及先儒皆以善孔父而書字

述曰

闕

卷六孔疏穀梁傳曰桓無王其曰王何也謹始也其曰無王何也桓弟弑兄臣弑君天子不能定諸侯不能救百姓不能去以爲無王之道遂可以至焉爾元年有王所以治桓也二年有王正與夷之卒也十年有王正終生之卒也十八年書王

范甯注云此年書王以王法終治桓之事先儒多用穀梁之說買遂云不書王弼君易勗田成宋亂無王也元年治桓二
年治督十年正曹伯十八年終始治桓

述曰闕

又宣十六年書大有年穀梁傳曰五穀皆熟爲有年五穀大熟
爲大有年杜取穀梁爲說

述曰闕

卷七孔疏穀梁傳曰天子親耕以共粢盛王后親蠶以共祭服
國非無良農工女也以爲人之所盡事其祖禰不若以己所
自親者也

述曰闕

卷八孔疏穀梁傳云孫之爲言猶孫也諱奔也杜用彼爲說

述曰

又穀梁傳曰接練時錄母之變始人之也其意言文姜往年如齊至此年三月猶尙不反三月練祭念及其母乃書其出奔非三月始從魯去也

述曰

又穀梁傳曰於廟則已尊於殿則已卑爲之榮飾矣言于外者謂城之外說公羊穀梁者亦以爲城外

述曰

又公羊穀梁皆於餘上爲邦之別邑

述曰

又穀梁傳曰鄒紀之邑也入于齊者以鄒事齊也杜取彼爲說

述曰

闕

又穀梁傳曰次止也則次亦止舍之名

述曰

闕

又穀梁傳曰婦人不言會言會非正也饗甚矣

述曰

闕

又穀梁傳曰外夫人不卒此其言卒何也吾女也適諸侯則尊
同以吾爲之變卒之也爲之變者爲之服也禮諸侯絕期尊
同則爲之變服服大功九月恩成於敵體故書其卒適大夫
則略之

述曰

闕

又莊六年壬子突孔疏范甯注穀梁亦云此名當爲字誤爾
述曰范引鄭康成說也

又冬齊人來歸衛俘杜注公羊穀梁經傳皆言衛實此傳亦言
實唯此經言俘疑經誤

述曰孔疏說文保從人象省聲古文保不省然則古字通用
實或作保字與俘相似故誤作俘耳

七年疏穀梁夜作昔傳曰日入至於星出謂之昔不見者可以
見也必如彼言星出以前名之曰昔則名昔之時法當未有
星矣何以怪其不見而書爲異也

述曰傳言至於星出非星出以前也孔駁太苛

八年疏賈逵及說穀梁者皆云陳蔡欲伐魯故待之陳蔡於魯

竟絕路遙春秋以來未嘗搆怨何因輒伐魯也

述曰莊十有九年冬陳人伐我西鄙何云未嘗搆怨乎

又穀梁傳曰出曰治兵習戰也入曰振旅習戰也 公羊以爲

祠兵

述曰 闕

十年疏穀傳曰以歸猶愈乎執也

述曰 闕

卷九十有一年疏穀梁傳曰高曰崩厚曰崩

述曰 闕

十有九年杜注公羊穀梁皆以爲魯女媵陳人之婦其稱陳人之婦未入國略言也孔疏穀梁傳曰其曰陳人之婦略之也

穀梁文雖不明其意亦爲魯女

述曰

闕

二十有三年祭叔來聘杜注穀梁以祭叔爲祭公來聘魯天子內臣不得外交故不言使不與其得使聘孔疏穀梁傳云其不言使何也天子之內臣也不正其外交故不與使也

述曰

闕

又穀梁傳曰朝於廟正也於外非正也

蕭叔朝公孔疏

述曰

闕

二十有四年疏穀梁傳曰刻桷非正也夫人所以崇宗廟也取非禮與非正而加之於宗廟以飾夫人非正也刻桓宮楹丹桓宮楹斥言桓宮以惡莊也是言丹楹刻桷皆爲將逆夫人

故爲盛飾

述曰

又公羊穀梁並以赤歸于曹郭公連文爲句言郭公名赤失國而歸于曹

述曰

又穀梁傳曰禮楹天子諸侯黝堊大夫蒼士黻丹楹非禮也注云黝堊黑色黻黃色又曰禮天子之桷斲之礪之加密石焉諸侯斲之礪之大夫斲之土斲本刻桷非正也加密石注云以細石磨之

述曰

二十有五年疏穀梁傳曰天子救日置五麾陳五兵五鼓諸侯

置三扈陳大夫擊門士擊柝

述曰

闕

二十有七年疏桓二年穀梁傳曰子既死父不忍稱其名臣既死君不忍稱其名

述曰

闕

二十有八年疏公羊傳曰何以不稱使以爲賊孫辰之私行也君子之爲國也必有三年之委一年不熟告糴饑也穀梁亦然

述曰

闕

二十有九年城諸及防疏穀梁傳曰以大及小也

述曰

闕

三十年齊人降鄆疏公羊穀梁傳並云鄆紀之遺邑也

述曰 闕

閔二年齊高子來盟疏穀梁傳曰其日來喜之也其日高子貴之也盟立倍公也

述曰 闕

又鄭棄其師疏穀梁傳曰鄭棄其師惡其長也兼不反其眾則是棄其師也

述曰 闕

又哀四年亳社災穀梁傳曰亳社者亳之社也亳亡國也亡國之社以爲廟屏戒也

述曰 闕

信元年疏公羊穀梁皆以爲齊師宋師曹師皆是侯伯之身

述曰闕

又穀梁傳曰其不言姜以其弑二子貶之也或曰爲齊桓諱殺
同姓也此見其文闕妄爲之說耳

述曰闕

二年疏公羊穀梁皆云江人黃人遠國之辭言其實是君也以
其遠國降而稱人

述曰闕

三年疏穀梁傳曰一時言不雨者閔雨也閔雨者有志乎民者
也六月雨雨云者喜雨也喜雨者有志乎民者也文二年傳
曰歷時而言不雨文不憂雨也不憂雨者無志乎民也言信

有憂民之志故每時一書文無憂民之志是以歷時總書

述曰

四年疏遂穀梁傳曰繼事之辭也

述曰

又穀梁傳曰諸侯死於國不地死於外地死於師何爲不地內桓師也注云齊桓威德洽著諸侯安之雖卒於外與其在國同賈逵云不言於師善會主加禮若卒於國

述曰

八年疏穀梁傳曰王人之先諸侯何也貴王命也弁冕雖舊必加於首周室雖衰必先諸侯

述曰

九年疏穀梁傳曰天子之宰通於四海其意言宰者六官之長官名通於海內是故書其官名也通於四海者當謂太宰之長官耳其屬官不應得通而宰恒宰渠伯糾則必非長官亦稱爲宰者蓋自宰夫以上皆通也

述曰

又秋七月乙酉伯姬卒杜注公羊穀梁曰未適人故不稱國已許嫁則以成人之禮書不復殤也婦人許嫁而笄猶丈夫之冠孔疏公羊傳曰此未適人何以卒許嫁矣婦人許嫁字而笄之死則以成人之喪治之穀梁傳意亦與之同

述曰

十有四年孔疏穀梁傳曰林屬於山爲鹿沙山名也服虔云沙

山名鹿山足林屬於山曰鹿取穀梁爲說也

述曰

闕

十有五年疏公羊穀梁傳皆以晦爲冥謂晝日闇冥也

述曰

闕

十有八年疏穀梁傳曰狄其稱人何也善累而後進之伐衛所以救齊也其意以爲上已救齊今復伐衛救齊故進之稱人

述曰

闕

二十年西宮災疏穀梁以西宮爲閔公之廟禮宗廟在左不得稱西宮也

述曰據公宮言之宗廟在左自不得稱西宮據太廟言之則各有左右何不得稱西宮也

二十有一年蔬穀梁傳曰五穀不升謂之大侵大侵之禮君食不兼味臺榭不塗弛侯廷道不除百官布而不制鬼神禱而不祀

述曰 闕

二十有五年疏穀梁傳曰婦人既嫁不踰竟是婦人越竟逆婦非禮也以非禮故書之

述曰 闕

二十有六年穀梁傳曰其侵也曰人其追也曰師以公之弗及大之也此傳無解或如穀梁之言

述曰 闕

又公羊傳曰乞者何卑辭也曷爲內外同辭重師也曷爲重師

師出不正反戰不正勝穀梁亦同其意以爲兵凶器戰危事
用師必有死傷不可必全得歸本不可謂之假借故皆以乞
爲名

述曰

闕

二十有八年疏穀梁傳曰畀與也其曰人何也不與晉侯畀宋
公也注云畀上與下之辭故不以侯畀公

述曰

闕

又穀梁傳曰朝不言所言所者非其所也是其由非京師故稱
王所也

述曰

闕

三十有一年疏穀梁傳曰免牲者爲之緇衣熏裳有司玄端奉

送至于南郊免牛亦然左傳無說其事或然也

述曰

又公羊穀梁皆云猶者可止之辭

述曰

三十有三年疏此云隕霜不殺草定元年冬十月隕霜殺菽穀
梁傳曰未可以殺而殺舉重可殺而不殺舉輕其意言菽重

草輕也

述曰

文五年疏穀梁傳曰其不言來不周事之用也贈以早而含以
晚其意以爲含者所以實口當及未殯而至以其至晚故不
言來以責王也 又穀梁傳曰貝玉曰含

述曰闕

九年疏隱元年穀梁傳曰衣衾曰殮

述曰闕

十有一年疏穀梁傳曰長狄瓦石不能害叔孫得臣最善射者射其目身橫九畝斷其首而載之眉見於軾又公羊穀梁竝曰長狄兄弟三人一之齊一之魯一之晉何以書記異猶如史記所云秦時大人見於臨洮

述曰闕

十有四年疏穀梁傳曰字之爲言猶第也其曰入北斗斗有環域也

述曰闕

宣元年疏公羊傳曰夫人何以不稱姜氏譏喪娶也穀梁之意亦然先儒取以爲說服虔云宣公旣以喪娶夫人從亦非禮故不稱氏見略賤之也

述曰

闕

八年疏穀梁傳云釋者祭之旦日之享賓也

述曰

闕

十有五年疏穀梁傳曰人者眾辭也平稱眾上下欲之也賈逵云稱人眾辭善其與眾同欲

述曰

闕

又穀梁傳曰不言其兩下相殺也言兩臣下自相殺非君殺臣

述曰

闕

十有七年疏沈氏引穀梁傳云魯行父禿晉卻克跛衛孫良夫
眇曹公子首偃故婦人笑之是以知卻克跛也穀梁傳定本
作卻克眇衛孫良夫跛

述曰

闕

成元年左傳孔疏穀梁傳曰終時無冰則志此未終時而言無
冰何也終無冰矣加之寒之辭也其意言此月寒最甚此月
無冰則終無冰矣

述曰

闕

又穀梁傳曰作爲也丘爲甲也丘甲國之事也丘作甲非正也
古者立國家百官具農工皆有職以事上古者有四民有士
民有商民有農民有工民丘作甲非正也其意以爲四邑爲

三才圖會卷之九
三
已使一丘農民皆作甲以農爲工失其本業故譏之

述曰 闕

二年杜注穀梁曰葦去齊五百里袁婁去齊五十里孔疏齊之
四竟不應過遙且案已是齊地未必竟上之邑豈得去齊五
百里乎穀梁又云登戰縣地五百里則是甚言之耳

述曰 闕

三年疏穀梁傳曰新宮者禰宮也三日哭哀也其哀禮也迫近
不敢稱諭恭也 杜依用之

述曰 闕

十有五年疏穀梁以爲嬰齊仲遂之子歸父之弟也宣八年仲
遂卒者爲殺子赤疏之不使稱公子父既見疏不得稱公子

故其子由父亦疏之不得稱公孫故別言仲氏

述曰

闕

十有六年疏公羊穀梁皆云雨而木冰是冰封著樹也今世時有之皆寒甚所致

述曰

闕

十有七年疏穀梁傳曰夏之始可以承春以秋之末承春之始蓋不可矣九月用郊用者不宜用賈逵取以爲說

述曰

闕

又壬申公孫嬰齊卒疏公羊穀梁及諸儒皆以爲十月十五日也穀梁傳以爲待公至然後卒大夫故十月之日書在十一月之下於左傳則不通故杜以爲日誤

述曰 闕

十有八年疏賈逵依放穀梁云稱納者內難之辭因附會諸納爲義

述曰 闕

襄十有六年疏穀梁云不曰諸侯之大夫大夫不臣也以爲此時諸侯微弱權在大夫諸侯皆在而大夫自盟政教約信在於大夫其事不由君也不曰諸侯之大夫者刺大夫不臣也賈服取以爲說

述曰 闕

十有九年疏穀梁傳曰還者事未畢之辭也不伐喪善之也善之則何爲未畢也君不尸小事臣不專大名善則稱君過則

稱己則民作讓矣士句外專君命故非之也然則爲士句者
宜奈何宜墮帷而歸命乎介其意言待命乃還杜言不必待
君命所以排穀梁也

述曰左氏云禮也公羊云進退在大夫也說俱有辨唯穀梁
大義凜然試問待命乃還有何流弊豈杜所宜排乎

三十年孔疏哀四年亳社災穀梁傳曰亳社者亳之社也亳亾
國也亡國之社以爲廟屏戒也然則此亳社是殷社也

述曰

闕

三十有一年疏公羊於襄二十一年下云十有一月庚子孔子
生穀梁傳於二十一年十月下云庚子孔子生

述曰

闕

昭七年疏直言暨齊平不知誰與齊穀梁傳曰以外及內曰暨
謂此爲魯與齊平賈逵何休亦以爲魯與齊平

述曰杜預以爲燕與齊平孔疏案經例卽燕與齊平當書燕
魯與諸侯平皆言暨下三月公如楚叔孫婁如齊蒞盟公不
在國故齊無來者據經言之賈君爲得今謂賈逵所用穀梁說也

九年疏夏四月陳災公羊穀梁經皆作陳火 穀梁傳曰國曰
災邑曰火火不志此何以志閔陳而存之也賈服取彼爲說

述曰闕

十有二年晉伐鮮虞疏穀梁曰其曰晉狄之也不正其與夷狄
交伐中國故狄稱之也賈服取以爲說左氏無貶中國從夷
狄之伐

述曰 闕

十有八年夏五月壬午宋衛陳鄭災穀梁云其志以同日也

述曰此猶言其不削以四國同日乃災之大者杜注左氏以爲來告故書但以注未修之經可也

又范甯云天子主長尺二寸諸侯主長一尺

述曰 闕

二十有五年有鸚鵡來巢疏公羊傳曰何以書記異也何異爾非中國之禽也宜穴又巢穀梁亦然

述曰 闕

二十有六年疏穀梁傳云公次于楊州其曰至自齊何也以齊侯之見公可以言至自齊也

述曰 闕

定元年戊辰公即位疏穀梁以為公喪在外踰年六月乃得即

位危故日之左氏無此義

述曰 闕

又公羊穀梁皆云立者不宜立立煬宮非禮也

述曰 闕

又冬十月限霜殺菽疏穀梁傳曰未可以殺而殺舉重可殺而

不殺舉輕其曰菽舉重也

述曰 闕

又傳公即位疏公羊穀梁皆云正棺於兩楹之間然後即位

述曰疏又云鄭玄雜記注取二傳之說言死從外來者殯於

兩楹之間謂殯爲正棺

二年疏穀梁云災自兩觀始先言雉門尊尊也

述曰

闕

三年春王正月公如晉至河乃復疏三傳皆無其說不知何故乃復

述曰疏引賈逵云刺綏朝見辭失所不諱罪己賈雖爲此說於傳無文不可從劉炫謂乃復之意不可懸知謹案此卽昭公五如晉五來復之例亦季氏使不得遂乎晉也楊疏以爲昭公五皆不月此獨文承月下應用危往之例非必季氏所譜不知春王正月乃謹始必書之例非爲乃復書正月楊說誤矣 又案昭五如晉始於一年至河乃復

傳曰恥如晉終故著有疾也

於二十三年有疾至河乃復

此非真有疾乃公託疾以殺恥也上四次亦同此可知

乃

范注云是微有疾而反嫌與上四如晉同故明之其說亦誤
四年吳入郢疏公羊穀梁以爲吳於戰稱子爲其憂中國故進
而稱晉及其入郢君舍于君室大夫舍于大夫室反爲夷狄
之行故貶而稱吳左氏無此義

述曰左氏傳事不傳義故也

五年夏歸粟于蔡疏公羊傳曰孰歸之諸侯歸之曷爲不言諸
侯歸之離至不可得而序故言我也穀梁傳亦然賈逵取彼
爲說

述曰

闕

哀二年春王二月季孫斯叔孫州仇仲孫何忌帥師伐邾取漒

東田及沂西田癸巳叔孫州仇仲孫何忌及邾子盟于句澤
疏穀梁傳曰三人伐而二人盟何各盟其得也其意言季孫
不得田故不與盟也

述曰

闕

四年六月辛丑亳社災疏穀梁傳曰亳社者亳之社也亳亡國
也亡國之社以爲廟屏戒也其屋亡國之社不得達上也說
者以爲立亳社於廟門之外以爲屏蔽使人君視之而致戒
也

述曰

闕

五年閏月葬齊景公疏公羊以爲喪以閏數謂通數閏月穀梁
云不正其閏也謂喪事不數左氏無傳未知所從

述曰 闕

十有四年疏許慎稱劉向尹更始等皆以爲吉凶不並瑞災不兼 又公羊穀梁之經皆至獲麟而盡

述曰 闕

公羊序疏何氏爲廢疾以難穀梁 卷一注疏問公羊殺梁出自卜商何故不題曰卜氏傳乎答曰亦是著竹帛者題其親師故曰穀梁也

述曰 闕

莊元年何休注禮齊衰不接弁冕仇讎不交婚姻徐彥疏義取穀梁之交仇讎之人非所以接婚姻衰麻非所以接弁冕之言也

述曰闕

十年二月公侵宋疏穀梁傳曰侵例時此其月何也乃深其怨於齊又退侵宋以眾其敵惡之故謹而月之

述曰闕

又荆敗蔡師于莘疏穀梁傳曰荆者楚也何爲謂之荆狄之也何爲狄之聖人立必後至天子弱必先叛故曰荆狄之也與何異不得合也

述曰何休云楚疆而近中國卒暴賁之則恐爲害深故進之以漸

十有二年疏江熙云叔姬來歸不書非歸甯且非大歸也叔姬守節積有年矣季雖以鄙入于齊不敢懷二然襄公豺狼未

可聞信桓公既立德行方宜於天下是以叔姬歸于鄒魯喜其女得申其志也

述曰 闕

二十有三年徐疏穀梁傳曰天子之柄斲之斲之加蜜石焉諸侯之柄斲之斲之大夫斲之士斲本

述曰徐云斲本者謂全以樹本而行斤斲之

傳元年疏十四年穀梁傳曰其曰諸侯散辭也范氏云直曰諸侯無大小之序是各自欲城無總一之者非伯者所制故曰散辭傳又曰聚而曰散何也范氏云據言諸侯城則是聚傳又云諸侯城有散辭也桓德衰矣范氏云言諸侯城則非伯者之所爲可知也齊桓德衰所以散也

述曰闕

十有四年疏范氏云魯女無故遠會諸侯遂得淫通此亦事之不然左傳曰節季姬來甯公怒止之以節子不朝遇于防而使來朝此近合人情

述曰說見述日月例內女篇

十有八年疏案穀梁傳狄救齊傳云善救齊也又云邢人狄人伐衛傳云其稱人何也善累而後進之伐衛所以救齊也

述曰闕

文公十年公羊傳長狄也何注蓋長百尺疏穀梁左氏與此長短不同者不可強合

述曰闕

十有二年秦伯使遂來聘疏左氏穀梁皆作術字經亦有作術
字者疑遂字誤

述曰非誤也古術遂字通用說見述異文

十有六年盟于犀丘疏正本作菑丘故賈氏公羊曰菑丘穀梁
曰師丘是也今左氏經作鄴字

述曰

十有八年秦伯罾卒何注秦穆公也疏左氏爲康公者與此別

穀梁無解

述曰

襄九年宋火疏左傳穀梁作宋災

述曰

十有五年疏公羊之義天子圻內不封諸侯與左氏穀梁之說異

述曰 闕

昭四年春王正月大雨雪疏案正本皆作雹字左氏經亦作雹字故賈氏云穀梁作大雨雪今此若有作雪字者誤也

述曰 闕

五年戊辰叔弓帥師敗莒師于濰泉徐疏左氏作蚡字穀梁作

賈泉字

述曰 闕

又疏文十八年秦伯罃卒之下賈氏穀梁傳云秦伯罃

述曰此足補校勘記之缺

二十有四年杞伯鸞卒疏左氏穀梁作郁釐字今正本亦有作邵字者

述曰說見述異文

二十有五年叔倪會晉趙鞅疏穀梁與此同左氏經賈注者作叔詣字

述曰闕

又有鸛鶴來巢傳非中國之禽也宜穴又巢也疏穀梁與此同

述曰闕

二十有六年疏穀梁傳云公次于楊州其曰至自齊何也注云据公但至楊州未至齊以齊侯之見公可以言至自齊也注云齊侯唁公子野井以親見齊侯爲重故可言至自齊居于

聊者公在外也注云若但言公至自齊而不言居于鄆則嫌公得歸國欲明公實在外故言居于鄆

述曰今本穀梁作次于陽州誤也亦當作揚州與公羊同

又尹氏召伯毛伯以王子朝奔楚疏穀梁與此同左氏召伯作召氏

述曰

定三年三月辛卯邾婁子穿卒疏公羊穀梁皆作三月左氏作二月未知孰正

述曰

六年季孫斯仲孫忌帥師圍運疏古本無何字有者誤也穀梁及賈經皆無何字

述曰

闕

十年秋叔孫州仇仲孫何忌帥師圍費疏左氏穀梁此費字皆

爲郎

述曰

闕

又宋樂世心出奔曹疏左氏穀梁作大心

述曰

闕

又冬齊侯衛侯鄭游邀會于鞌疏左氏穀梁作安甫 穀梁經

甫亦有作浦字者

述曰

闕

哀二年徐疏穀梁傳云取鄆東田鄆東未盡也及沂西田沂西未盡也范氏云以其言東西則知其未盡也 穀梁傳云三

人伐而二人盟何各所得季孫斯不得田故不盟

述曰

闕

四年蒲社火疏左氏穀梁以爲蒲社者殷社也 今穀梁經傳皆作亳字范氏云殷都于亳武王克紂而班列其社于諸侯以爲亡國之戒

述曰

闕

五年徐疏鄭志趙商問曰經曰閏月不告朔猶朝于廟穀梁傳云閏月附月之餘日喪事不數又哀五年閏月葬齊景公公羊傳云閏月不書此何以書喪以閏數喪數略也此二傳義反於禮斷之何就答曰居喪之禮以月數者數閏以年數者雖有閏無與于數也然則鄭氏之意以爲彼云不數者謂期

與三年也此云喪以閏數者謂大功以下也若穀梁之意以爲大功以下皆不數閏

述曰 闕

十有三年疏穀梁傳云吳王夫差曰好冠來孔子曰大矣哉夫差未能言冠而欲冠也范氏云不知冠有差等唯欲好冠

述曰 闕

十有四年徐疏穀梁傳云其不言來不外麟于中國也其不言有不使麟不恆于中國也

述曰 闕

皇清經解續編卷千九終

江陰馮
丹走凍
慶年校
銘

皇清經解續編卷十

南菁書院

穀梁大義述二十二

丹徒柳興恩寶叔著

述長編

經部

論語序邢昺疏鄭康成注易尚書等起穀梁廢疾可謂大儒

述曰

闕

語疏十二穀梁傳云古者什一而藉

述曰

闕

語疏十四穀梁傳云衣裳之會十有一范甯注云十三年會北
杏十四年會鄆十五年又會鄆十六年會幽二十七年又會
幽僖元年會程二年會貫三年會陽穀五年會首戴七年會

甫母九年會葬凡十一會不取北杏及陽穀爲九也

述曰

闕

孝經序疏鄭志目錄記鄭之所注五經之外有中候等釋廢疾

發墨守箴膏肓

述曰

闕

又漢書藝文志穀梁傳十一卷名赤魯人麋信云與秦孝公同時七錄云名倣字元始風俗通云子夏門人

述曰

闕

又隋書云劉炫字光伯自爲狀曰周易儀禮穀梁用功頗少

述曰見經師攷

孟子卷十二下告子下孫奭疏齊桓會諸侯於葵丘穀梁以爲

無壅泉 穀梁述葵丘會有云無遏籜無易立子無以妾爲
妻無使婦人與國事 穀梁傳云衣裳之會十有一范注云
十三年會北杏十四年會鄆十五年會邾十六年會幽二十
七年又會幽僖公元年會榘二年會貫三年會陽穀五年會
首戴七年會甯九年會葵丘凡十一會也

述曰孟子疏舊題宋孫奭朱子以爲邵武士人爲之無易立
子依朱石經穀梁本作樹子十五年會邾當從論語疏作十
五年又會鄆七年會甯當依范注作甯毋

又穀梁云古者什一而藉

述曰 闕

爾雅釋詁下郭注穀梁傳曰平者成也邢昺疏宣十五年文

述曰 闕

又倣厲作也郭璞注穀梁傳曰始厲樂矣疏隱五年云九月考仲子之宮初獻六羽始僭樂矣尸子曰舞夏自天子至諸侯皆用八佾初獻六羽始厲樂矣

述曰說見述師說經義述聞

又珍享獻也注穀梁傳曰諸侯不享覲疏隱五年文

述曰 闕

釋言上遜遜也邢疏春秋莊元年夫人姜氏孫子齊穀梁傳曰孫之爲言猶孫諱奔也

述曰 闕

聘問也注見穀梁傳疏隱九年春天王使南季來聘穀梁傳曰

南氏姓也季字也聘問也是其事

述曰闕

遇偶也疏春秋隱八年春宋公衛侯遇于垂穀梁曰不期而會

曰遇

述曰闕

釋天疏襄十四年穀梁傳曰一穀不升謂之暵二穀不升謂之饑三穀不升謂之饑四穀不升謂之康五穀不升謂之大饑又謂之大侵彼以五穀熟之多少立差等之名其實五者皆是饑也三穀不升於民乏困蓋與蔬不熟同故俱名爲饑也

述曰闕

又春秋僖十五年己卯晦震夷伯之廟公羊穀梁皆云晦冥也

述曰 闕

又穀梁傳云釋者祭之旦日之享實也

述曰 闕

又春獵爲蒐夏獵爲苗秋獵爲獮冬獵爲狩疏穀梁傳曰四時之田皆爲宗廟之事也春曰田夏曰苗秋曰蒐冬曰狩皆與周禮異者良由微言旣絕曲辯妄生左丘明親受聖師爾雅者或云子夏所作故二者與禮合僕代古學不行明帝集諸學士作白虎通義因穀梁之文爲之其說曰王者諸侯所以田獵何爲苗除害上以共宗廟下以飭集士眾也春謂之田何春歲之本舉本名而言之也夏謂之苗何擇去懷任者也秋謂之蒐何蒐索肥者也冬謂之狩何守地而取之也四時

之田總謂之田何爲田除害也案苗非懷任之名何云擇去
懷任秋獸盡皆不瘦何云蒐索取肥雖名通義義不通也

述曰

闕

又出曰治兵尙威武也入曰振旅反尊卑也疏周禮左傳穀梁
與此皆同惟公羊以治兵爲祠兵

述曰

闕

釋草戎叔謂之佳菽疏郭又云春秋齊侯來獻戎捷穀梁傳曰
戎菽也 注穀梁者亦以爲大豆也

述曰

闕

大戴禮卷五曾子天圓第五十八云陽之專氣爲電陰之專氣
爲霰霰電者一氣之化也注云陽氣在雨溫暖如湯陰氣薄

之不相入搏而爲雹陰氣在雨凝滯爲雪陽氣薄之不相入散而爲霰故春秋穀梁說曰雹者陰脅陽之象霰者陽脅陰之符也

述曰此據嘉定汪昭

乾隆陽人

補注本每卷首題漢信都王太傅

戴德撰周尙書右僕射盧辯注

據王伯厚說

辯字景宣所引穀梁

說當是漢經師劉向等說也

又卷十諸侯遷廟第七十二

汪昭曰是篇或改作七十三或不改故陳振孫言有兩七十二也

成廟將遷之新廟盧注謂親過高祖則毀廟以昭穆遷之春秋穀梁傳曰作主壞廟有時日於練焉壞廟壞廟之道易簷可也改塗可也范甯云將納新神故示有所加焉鄭玄注士虞禮曰練而後遷也禮志云遷廟者更毀其廟而移故主焉

按此篇成廟之文與穀梁相傳也

述曰 闕

唐陸德明經典釋文

次第

春秋既是孔子所作理當後於周公故

次於禮左丘明受經於仲尼公羊高受之於子夏穀梁赤乃後代傳聞三傳次第自顯

述曰此陸氏臆說也論漢代立學之次則公羊最先穀梁次之左氏又次之論三傳優劣則鄭康成六藝論云公羊善於議左氏善於禮穀梁善於經論傳授次第則鄭氏起廢疾以穀梁爲近孔子公羊爲六國時人又云傳有先後然則穀梁實先於公羊矣

又注解

穀梁

名赤魯人與信云與秦孝公同時七錄云名淑字元始風俗通云子夏門人

瑕丘江公

受穀梁春秋及詩於魯申公武帝時爲博士

傳子至孫皆爲博士使與

董仲舒論江公喞於口而丞相公孫弘本爲公羊學比輯其

義卒用董生於是上因尊公羊家詔太子受衛太子復私問

穀梁而善之其後浸微唯魯榮廣

字王孫

浩星公二人受焉廣

盡能傳其詩春秋蔡千秋

字少君諫大夫郎中戶將

梁周慶

字幼丁姓字

孫至中山太傅

皆從廣受千秋又事浩星公爲學最篤宣帝卽位聞

衛太子好穀梁乃詔千秋與公羊家竝說上善穀梁說後又

選郎十人從千秋受會千秋病死徵江公孫爲博士詔劉向

受穀梁欲令助之江博士復死乃徵周慶丁姓待詔使卒授

十人十餘歲皆明習乃召五經明儒太子太傅蕭望之等大

議殿中平公羊穀梁同異

時公羊博士嚴彭祖侍郎申輓伊推宋顯穀梁議郎尹更始待詔劉

向周慶丁望之等多從穀梁由是大盛慶姓皆爲博士姓授

楚申章昌曼君

爲博士至長沙太傅

初尹更始

字翁君汝南邵陵人諱郎諫大夫長樂戶將

事蔡千秋又受左氏傳取其變理合者以爲章句傳子咸司大

農

及翟方進

字子威汝南上蔡人丞相封侯

房鳳

字子元琅琊不其人光祿大夫五官中郎將青州牧

始江博士授胡常常授梁蕭秉字君王莽時爲講學大夫

述曰此出漢書儒林傳

又今左氏盛行二傳漸微

江左中興立左氏傳杜氏服氏博士太常荀崧奏請立二傳博士詔許立

公羊云穀梁膚淺不足立博士王敷亂竟不果立

左氏今用杜預注公羊用何休注

穀梁用范甯注

二傳近代無講者恐其學遂絕故爲音以示將來

述曰近儒尚有爲公羊之學者若穀梁殆絕矣

又尹更始穀梁章句十五卷唐固注十二卷

字子正丹陽人廩

信注十二卷

字南山東海人魏樂平太守

孔衍集解十四卷徐邈注十二

卷徐乾注十三卷

字文祚東莞人東晉給事中

范甯集注十二卷段肅注

十二卷

不詳何人

胡訥集解十卷 右穀梁

述曰

闕

毛詩音義上蒐田

所留反存獵爲蒐田獵也杜預云蒐索擣取不孕者也穀梁傳云四時之田春曰田夏日

苗秋曰蒐

冬曰狩

述曰

闕

毛詩音義中擊

音計劉兆注穀梁云繼也本又作擊音同或古歷反

述曰

闕

儀禮音義士相見帖嘗

音貼他國反穀梁云未嘗有帖血之盟帖嘗也劉音當密反云

述曰

闕

禮記音義曲禮上能膊

音附公羊傳曰錢財曰膊穀梁傳曰歸生者曰膊

述曰闕

禮記音義檀弓邾

音邾邾力俱反或如字邾人呼邾聲曰邾故曰邾邾公羊傳與此記同左氏穀梁俱作

也邾

述曰闕

春秋左氏音義春秋經傳集解

此不題左氏傳公羊穀梁二傳既顯姓別之此不言自見

述曰闕

又桓公三年

正月

從此盡十七年皆無王唯十年有二傳以爲義或有王字者非也

述曰闕

又僖十七年

滅項

胡諱反國名魯滅之也二傳以爲齊滅

述曰闕

又成元年

茅戎

亡交反史記及二傳皆作質戎

述曰

闕

又昭元年

大鹵

大如字徐音泰下音魯穀梁傳云中國曰大原夷狄曰大鹵

述曰

闕

又昭二十八年

嬖姬

本又作麗亦作嬖同力知反獻公伐嬖戎所得而以爲夫人穀梁傳云滅虢所

得莊子云艾封人之子

述曰

闕

又哀十六年

夏四月己丑孔某卒

孔子作春秋終於獲麟之一句公羊穀梁經是也弟

子欲記聖師之卒故採魯史記以續夫子之經而終於此正明因隨而作傳終於哀公從此已下無復經矣

述曰

闕

春秋公羊音義隱元年

邾婁

力俱反邾人語聲後曰婁故曰邾婁禮記同左氏穀梁無

婁 于昧 亡結反 穀梁
同左氏作茂

述曰

又隱九年 俠卒

音協 穀梁
云所俠

述曰

又桓十二年 于鄆

音諫二
傳作虛

述曰

又十五年

于鄆 戶老反 又火各反 左
氏作艾 穀梁作蒿

述曰

又莊二年

于郟 古報反 二傳作
雉 四年亦爾

述曰

又五年

倪 五兮反 二
傳皆作郟 小邾婁 力居反 二傳
亦無婁字

述曰

又七年

辛卯夜

一本無夜字
穀梁作昔

述曰

又十三年

標劍

舊交反辟也辟劍置
地劉兆云辟捐也

述曰

又僖四年

卒怙荆

他協反一本作貼服也劉兆同廣雅云靜
也玉篇又丁尊反一本作拈或音章貶反

述曰

又文六年

射始

音亦又音夜
穀梁作夜

述曰

又十年

屈貉

居勿反又音厥下音麥
又戶各反二傳作厥貉

述曰

又十一年

伐圖

求阮反一音卷說文作圖
字林曰乃反二傳作圖

述曰

闕

又十二年

及運

二傳作鄂
後皆同

述曰

闕

又十三年

世室屋壞

二傳作
大室

述曰

闕

又十四年

接苗

在妾反又如字下側
其反二傳作捷苗

述曰

闕

又十六年

犀巨

音西左氏作鄴
上穀梁作師巨

述曰

闕

又宣二年

夷犇

戶刀反又古刀
反二傳作夷皋

述曰 闕

又三年 賁 譚 晉音六或音奔下戶門反二傳作陸譚

述曰 闕

又宣十二年 沙澤 素禾反又如字二傳作瑣澤定七年同

述曰 闕

又十七年 鯉 力之反軫之忍反左氏作

述曰 闕

又十八年 士彭 二傳作士魴襄十二年同

述曰 闕

又襄九年 宋火 二傳作災

述曰 闕

又十三年

取詩二傳
作郭

十四年

公孫嚙勅遇反
傳作蚤

述曰

又十九年

祝阿二傳
祝柯

侯瑛

于魯反
一音瑛二傳作瑛

公子喜

二傳
作嘉

述曰

又二十三年

鼻我二傳
界我

二十四年

陳儀二傳
作夷儀
二十五年同

述曰

又二十七年

孔瑗二傳
孔奐

三十年

薏頗頗或作跋音同
二傳作薏罷

述曰

又昭元年

國酌二傳
國弱

軒虎

軒依字許言反
音罕二傳作罕虎

于渚

又音彼左氏作
穀穀梁作郭

五年

潰泉

扶粉反
潰泉音泉也
左氏作粉泉穀梁作黃泉

述曰

又十一年

侵羊

二傳作
殷祥

屈銀

並如字二
傳作厥怒

二十一年

向

甯

二傳作
向寧

述曰

闕

又十六年

戎曼

音蠻又音万二傳
作戎蠻哀四年同

二十二年

昌姦

二傳
作昌

聞

述曰

闕

又二十三年

子楹

音盈左氏作
選穀梁作盈

二十四年

鬱斨

音來又
力之反

本亦作釐二
傳作郁釐

定公四年

浩油

戶老反又古老反下音由
一音羊又反二傳作舉臄

伯戊

音茂又音恤
二傳作戊

十三年

垂取

如字又音加
二傳作垂葭

十四

年 公子佗人

大河反二傳
作公孫佗人

子臚

七良反二
傳作牂

哀公六年

君舍

二傳作
茶音舒

十年

薛伯寅

二傳作伯夷
同音以尼反

十三年

彊夫

苦侯反又古侯反一本作
魁音同二傳作夏區夫

述曰

闕

論語音義

憲問第十四

九合諸侯不以兵車

史記云兵車

之會六穀梁傳云衣裳之會十一范甯注云十三年會三乘車
又會柯十四年會鄆十五年又會鄆十六年會幽二十七年
又會幽僖元年會榘二年會貫三年會陽穀五年會首
戴七年會甯母几十一會鄭不取陽穀及北杏爲九也

述曰

闕

宋朱子儀禮集傳集注

後名儀禮
經傳通解

王制之丁

王古者稅什一

五年注

豐年補敗

敗謂凶年

不外求而上下皆足也雖累凶年民

弗病也

莊公二十八年穀梁傳

古之君人者必時視民之所勤民勤

於力則功築罕

罕

民勤於財則貢賦少民勤於食則百事廢

矣

凶荒殺禮

冬築微春新延廢以其用民力爲已悉矣

莊公二十九年穀梁

傳 ○五穀不升爲大饑升成也 一穀不升謂之嗛嗛去聲反 二

穀不升謂之饑三穀不升謂之饑四穀不升謂之康饑音近

五穀不升謂之大侵傷 大侵之禮君食不兼味臺榭不塗塗

飾 弛侯廷道不除弛式氏反 弛廢也侯射侯也廢侯不燕射廷內道路不修除 百官布而

不制官職修列不可闕 鬼神薦而不祀周書曰大荒有薦而無祀 此大侵

之禮也襄公二十四年穀梁傳

述曰此朱子未成之書故其書凡三十七卷止於第三十一

卷引穀梁三條而已餘爲黃榦楊復所續

黃榦通解續卷五喪大 魯隱公十有一年冬十有一月壬辰公

薨公薨不地故也不地不書 路寢之比隱之不忍地也 春秋穀梁傳

莊公三十二年八月癸亥公薨于路寢路寢正寢也寢疾居

正寢正也男子不絕於婦人之手以齊終也

齊祭也○同上又成十八年公

寢于路

僖公三十有三年公薨于小寢小寢非正也

非路寢也

梁傳

文公十有八年王二月丁丑公薨于臺下臺下非正

也同

襄公三十有一年公薨于楚宮楚宮非正也

楚宮別宮名非

路寢

○定公十有五年公薨于高寢

高寢宮名不於路寢失其所也高寢

非正也

同上

述曰說見述例公薨條

又陳寶

沈子曰正棺乎兩楹之間然後卽位也內之大事日卽

位君之大事也其不日何也以年決者不以日決也此則其

日何也踰年卽位厲也

厲危也公喪在外踰年六月乃得卽位危故日之

於厲之中

又有義焉

以輕喻重也雖爲天子所召不敢背殯而往況君喪未殯而行卽位之禮以臨諸臣乎○背音佩

周人有喪魯人有喪周人弔魯人不弔周人曰固吾臣也使
人可也魯人曰吾君也親之者也使大夫則不可也君至尊
也去父之殯而往弔猶不敢况未殯而臨諸臣乎

穀梁傳

述曰傳引不弔之事以爲證可謂博矣其推書日之故可謂
精矣既精既博吾何加焉卷三十四並有喪及弔條又引
此

卷六

宣公八年葬我小君頃熊葬既有日不爲雨止禮也雨不

克葬喪不以制也

喪事有進無退又士喪禮有潦車載篋笠

其明味爽而引既及葬日之晨則祖行遣奠之禮

設矣故雖雨猶終事不敢停柩久次○穀梁傳

有五年秋九月丁巳葬我君定公葬既有日不爲雨止禮也
雨不克葬喪不以制也戊午日下稷乃克葬

稷是也下乃始

辭也不足乎日之辭也

穀梁傳

述曰說見長編禮記疏引異義條下

又傳

魯文公二年作僖公主立主喪主於虞

其主用桑

吉主於練

其主用梁

作主壞廟有時日於練焉壞廟壞廟之道易櫓可也改

塗可也

櫓以占反○禮過高祖則毀其廟又引以次而遷將納新神示有所加

穀梁傳小祥練章

述曰

闕

卷七

吉祭 閔二年夏五月乙酉吉禘于莊公吉禘者不吉者也喪事

未畢而舉吉祭故非之也

莊公葬至此方二十二月喪未畢

穀梁傳

述曰

闕

卷八

補編 莊三年夏五月葬桓王改葬也改葬之禮總舉下緇也

善反遠也

穀梁傳

述曰 闕

卷十二 昭公十有五年二月癸酉有事于武宮衛入叔弓卒去

樂卒事君在祭樂之中聞大夫之喪則去樂卒事禮也祭樂者君

在廟中君在祭樂之中大夫有變以聞可乎變謂死喪大夫國體

也君之卿佐是謂股肱故曰國體古之人重死君命無所不通死者不可復生重莫大焉

是以君雖在祭樂之中大夫死以聞可也○春秋穀梁傳 聞喪條又引

述曰 闕

卷十四 文公四年冬十有一月壬寅夫人風氏薨五年春王正

月王使榮叔歸舍且贈舍一事也聞一事也兼歸之非正也

禮舍 贈 禭其曰且志兼也其不言來不周事之用也贈以早

而舍以晚穀梁 隱元年秋七月天王使宰咺來歸惠公仲

子之贈賵者何也乘馬曰贈衣衾曰禭貝玉曰含錢財曰賻

穀梁傳

述曰闕

又會葬文公元年二月叔孫得臣如京師辛丑葬襄王天子志崩

不志葬舉天下而葬一人其道不疑也志葬危不得葬也

不備禮葬。

穀梁傳。

述曰闕

卷二十二 五 定公元年九月大雩穀梁子曰雩月雩之正也秋

大雩非正也冬大雩非正也秋大雩之爲非正何也

冬禾稼既成猶

雩則非禮可知秋禾稼始苗嫌當須雨故闕也毛澤未盡人力未竭未可以雩也

梁氏

萬方曰未字疑是尙字之譌雩月雩之正也月之爲雩之正何也其時窮

人力盡然後雩

梁氏曰此脫一非字

雩之正也何謂其時窮人力盡是

月不雨則無及矣是年不艾則無食矣是謂其時窮人力盡

也雩之必待其時窮人力盡何也

梁氏曰何字當是非字之譌

雩者爲旱

求者也求者請也古之人重請何重乎請人之所以爲人者讓也請道去讓也則是舍其所以爲人也是以重之焉請哉請乎應上公古之神人有應上公者通乎陰陽君親帥諸大夫道之而以請焉夫請者非可詒託而往也必親之者也是以重之

述曰梁氏萬方者字廣庵東雍人修補通解者也梁云此處傳文上下文義總難通曉若以下文其時窮人力盡爲雩之正則是九月大雩反爲正雩而無譏矣且下文以時窮力盡

爲雩之正而上文又以澤未盡力未竭爲未可以雩直使四月之雩轉非正矣不坳戾難通乎故疑必有誤字吾弟翼南曰此傳不煩改字梁氏之說非也夫龍見而雩爲雩之正乃左氏例若穀梁通例則得雨曰雩不得雨曰旱並不以夏正四月爲雩之正故秋大雩非正者周之秋七月秋八月爲夏正之五月六月此時毛澤未盡人力未竭未可以雩至九月爲夏之七月此時時窮力盡得雨曰雩不得雨則曰旱故秋大雩非正秋九月大雩卽爲雩之正也何嘗坳戾難通乎

又成公七年冬大雩穀梁子曰雩不月而時非之也冬無爲雩也

述曰 闕

又宣公三年春王正月郊牛之口傷改卜牛牛死乃不郊猶三望穀梁子曰之口緩辭也傷自牛作也

牛自傷口非備災之道不至也故以緩辭

言改卜牛牛死乃不郊事之變也

牛無故自傷其口易牛改卜復死乃廢郊禮此事之

變乃者亡乎人之辭也

譏宣公不恭致天變

述曰梁氏廣庵云亡與無同乃者亡乎人之辭單解一乃字且乃字至虛故解者有之辭二字所謂無人者猶言人不得而與也以此合於不郊則乃不郊者非人之欲不郊也改卜牛牛又死雖欲郊者亦不得不爲此不郊故謂非人之所得與也范注譏宣公不恭致天變與傳意不合

成公七年春王正月鷓鼠食郊牛角改卜牛鷓鼠又食其角乃免牛不郊猶三望穀梁子曰不言日急辭也

辭中促迫不容日過有

司也郊牛日展觸角而知傷展道盡矣其所以備災之道不

盡也

有司展察牛而卽知傷是展察之道盡不能防災禦患
致使牛傷故不書日以顯有司之過觸球球然角貌

改卜牛臄鼠又食其角又有繼之辭也

前已食
故曰繼

其緩辭也曰

亡乎人矣非人之所能也所以免有司之過也

至此復食乃
知國無賢君

天災之爾非有司之
過也故言其以赦之

乃免牛乃者亡乎人之辭也免牲者爲

之緇衣繡裳有司玄端奉送至於南郊免牛亦然免牲不曰

不郊免牛亦然

郊者用牲今言免牲則不郊顯矣若言免牛
亦不郊而經復書不郊者蓋爲三望起爾言

時既不郊而猶
三望明失禮

述曰

闕

又成公十七年九月辛丑用郊穀梁子曰夏之始可以承春以

秋之末承春之始蓋不可矣

郊春事也僖三十一年夏四月
四卜郊不從傳曰四月不時今

言可者方明秋未之不可故以是爲猶可也

九月用郊用者不宜用也宮室不設

不可以祭衣服不脩不可以祭車馬器械不備不可以祭有司一人不備其職不可以祭祭者薦其時也薦其敬也薦其美也非享味也

述曰

哀公元年鼯鼠食郊牛角改卜牛夏四月辛巳郊穀梁子曰此

該郊之變而道之也

該備也春秋書郊終於此故於此備說郊之變變謂郊非其時或牲被災害

於變之中又有言焉

於災變之中又有可善而言者

鼯鼠食郊牛角改卜牛

志不敬也郊牛日展削角而知傷展道盡矣

展道雖盡所以備災之道不盡

識哀公不敬故致天災

郊自正月至於三月郊之時也夏四月郊不時

也五月郊不時也夏之始可以承春以秋之末承春之始蓋

不可矣

凱曰不時之中有差劇也夏始承春力秋之末猶爲可也

九月用郊用者不宜用

者也

在成十七年

郊三卜禮也四卜非禮也

僖三十一年襄十一年皆四卜五卜

強也

成十年五卜

卜免牲者吉則免之不吉則否牛傷不言傷之

者傷自牛作也故其辭緩

宣三年郊牛之口傷以牛自傷故加之言緩辭

全曰牲傷

曰牛未牲曰牛其牛一也其所以爲牛者異

已卜日而成牲傷之曰牛未卜

日未成牲之牛二者不同

有變而不郊故卜免牛也巳牛矣其尙卜免之

何也

災傷不復以郊怪復卜免之

禮與其亡也甯有

於禮有卜之與無卜甯嘗有卜嘗置

之上帝矣故卜而後免之不敢專也

嘗置之滌宮名之爲上帝牲故不敢擅施也

卜之不吉則如之何不免安置之繫而待六月上甲始庀牲

然後左右之

庀具也待具後牲然後左右前牛在我用之不復須卜巳有新牲故也周禮曰司門掌授管鍵

以啟閉國門祭祀之牛牲繫焉

然則未左右時監門者養之子之所言者牲之變而曰我

一該郊之變而道之何也我以六月上甲始庀牲十月上甲

始繫牲十一月十二月牲雖有變不道也

性有變則改卜牛以不妨郊事故不

言其

待正月然後言牲之變此乃所以諒郊

至郊時然後言其變重其勅郊

也十二月不道自前可知也至正月然後道則

郊享道也貴

二月三月亦可知也此所以該郊言其變道盡

郊享道也貴其時大其禮其養牲雖小不備可也

繫之禮雖小不備合時得禮用之可也

子不忘三月卜郊何也

三月謂十二月則改卜牛郊日已過庀

郊自正月至於三月郊之時也

有變乃志常事不書

我以十二月下辛

卜正月上辛如不從則以正月下辛卜二月上辛如不從則

以二月下辛卜三月上辛如不從則不郊矣

意欲郊而卜不吉故曰不從郊

必用上辛者取其新絜莫先也

述曰

闕

又莊公十八年日有食之穀梁子曰不言日不言朔夜食也何以知其夜食也曰王者朝日王制曰天子立冕而朝日於東門之外故日始出而有虧傷之處是以知其夜食也何休曰春秋不言月食日者以其無形故闕疑其夜食何錄書乎鄭君釋之曰一日一夜合爲一日今朔日日始出其食有虧傷之處未復故知此日以夜食夜食則亦屬前月之晦故穀梁不以爲疑故雖爲天子必有尊也貴爲諸侯必有長也故天子朝日諸侯朝朔

述曰梁氏云不言日與朔者疑係闕文穀梁卽以爲夜食而證以王者朝日夫當日食之期司歷者必先告何待日出有虧傷之處始知其夜食乎且日月合朔日乃食今云亦屬前月之晦未聞日月合晦也傳與注似皆迂曲轉於情事多礙矣天子朝日是春分之日亦未聞逢月之朔而朝日於東門之外興恩按國語敬姜之論習勞云天子大采朝日與

三公九卿祖識地德日中考政與百官之政事師尹維旅牧
 相宣序民事少采夕月與大史司載糾虔天刑日入監九御
 使潔奉禘郊之柔盛而後即安國語豈天子止春秋二分一
 習其事而終歲俱即安乎必不然矣穀梁以諸侯朝朔例之
 知每月有事也 屬連也尚連前月之晦以明不書朔之故
 豈謂日月合晦乎 夜食之說見述例日食條

二十 哀公四年六月辛丑亳社災穀梁子曰亳社者亳之社也

亳亡國也亳即殷也殷都於亳故國謂之亳社亡國之社以爲廟屏戒也立亳於廟之外以爲屏蔽取其不得通天人君瞻之而致戒心其屋亡國之社不使達上也必爲之作屋不使上通天也緣有屋故言災

述曰梁氏云不使達上也人也其所以不使達上者天也殷

之未喪師克配上帝者達上也一喪師而不達上矣故屋之者所以象之非勝國本達上而後王不使之達上也

二十

莊公二十三年秋丹桓宮楹穀梁子曰天子諸侯黝堊

黝大夫蒼士黻

黻黃

丹楹非禮也二十四年春刻桓宮桷穀

梁子曰天子之桷斲之髹之加密石焉

以細石磨之

諸侯之桷斲

之髹之大夫斲之士斲本刻桷非正也

又文十三年太室屋壞穀梁子曰太室屋壞者有壞道也譏不

修也太室猶世室也

世世有此室故言世室

周公曰太廟

爾雅曰室有東西廂曰廟

伯禽曰太室羣公曰宮

爾雅曰宮謂之室室謂之宮然則禮其質一也蓋尊伯禽而異其名

宗廟之事君親割

割性

夫人親春

春桑盛也

而先君之廟壞極稱之志不敬也

極稱言屋壞不復依違其文

成三年新

宮災三日哭穀梁子曰三日哭哀也其哀禮也

宮廟親之神靈所憑居而

遇災故以

哀哭爲禮

迫近不敢稱諡恭也

迫近言親禱也桓其辭恭且

哀以成公爲無譏矣

文二年春王二月丁丑作僖公主穀

梁子曰立主喪主於虞吉主於練作僖公主譏其後也

僖公

此已十

五月作主壞廟有時日於練焉壞廟壞廟之道易櫓可也

改塗可也 秋八月丁卯大事于太廟躋僖公穀梁傳曰大

事者何大是事也著禘嘗

禘合也嘗秋祭

禘祭者毀廟之主陳於大

祖未毀廟之主皆升合祭於太祖

禘祭者皆合祭諸廟已毀未毀者之主於太祖廟中

以昭穆爲次序父爲昭子爲穆昭南鄉穆北向孫從王父坐也祭畢則復還其廟

躋升也先親而後

祖也逆祀也

舊說僖公問公庶兄故文公升僖公之主於閔公之上耳僖公雖長已爲臣矣問公雖小已爲

君矣臣不可以先君猶于不可以先父故以昭穆父祖爲喻
甯曰卽之於傳則無以知其然若引左氏傳以釋此傳則義
雖有似而於文不辨高宗股之賢主猶祭豐於禘以致唯
之變然後率修常禮文公僂倒補考固不足多怪矣親謂僖
禮謂逆祀則是無昭穆也無昭穆則是無祖也無祖則無天

也故曰文無天無天者是無天而行也

祖人之始也人所仰天也

君子

不以親親害尊尊此春秋之義也

尊卑有序不可亂也

定公八年冬

從祀先公穀梁子曰貴復正也

文公逆祀今還順

桓二年夏四月

取郕大鼎于宋戊申納于大廟穀梁子曰桓內弑其君外成

人之亂受賂而退以事其祖非禮也其道以周公爲弗受也

郕鼎者郕之所爲也曰宋取之宋也

郕鼎本郕國所作宋後得之

以是爲

討之鼎也

討宋亂而更受其賂鼎

孔子曰名從主人物從中國故曰郕

大鼎也

主人謂作鼎之主人也故繫之郕物從中國謂是大鼎

述曰 闕

桓八年正月己卯烝穀梁子曰烝冬事也春興之志不時也夏五月丁丑烝烝冬事也春夏興之贖祀也志不敬也 閏二年夏五月乙酉吉禘于莊公穀梁子曰吉禘者不吉者也喪事未畢而舉吉祭故非之也 隱五年考仲子之宮初獻六羽尸子曰舞夏天子至諸侯皆用八佾初獻六羽始厲樂矣言時諸侯僭侈皆用八佾傳於是能自減厲而始 宣八年六月辛巳有事于太廟仲遂卒于垂壬午猶釋穀梁子曰釋者祭之旦日之享賓也

述曰 闕

又告朔傳 文六年閏月不告月猶朝于廟穀梁子曰不告月者不

告朔也。禮天子以十二月朔政班告於諸侯諸侯受於禴廟。孝子尊事先君不敢自專也。言朝者緣生以事死。親存朝朝暮夕不敢弼鬼神。故事畢感月始而朝之。不告朔則何以不言朔也。閏月者

附月之餘日也。積分而成於月者也。一歲三百六十日。餘六日。又有小月積五日。餘六日。

六十日而再閏。積眾月之餘分以成此月。天子不以告朔而喪事不數也。問是數非月之正故吉凶。

大事皆不用也。猶之爲言可以已也。邪然後三望告朔然彼朝廟俱言猶義相類也。既廢其大而

行其細故譏之。十六年夏五月公四不視朔。穀梁子曰

天子告朔於諸侯諸侯受乎禴廟禮也。每月天子以朝政班於諸侯諸侯受而納

之禴廟告朔以羊。今公自二月不視朔。至於五月是後視朔之禮遂廢。故子貢欲去其羊。公四不視朔。公

不臣也。以公爲厭政以甚矣。天子班朔而公不視是不臣。

述曰 闕

二十 巡狩傳桓元年鄭伯以璧假許田穀梁子曰許田者魯朝

宿之邑也邠者鄭伯之所受命而祭泰山之邑也用見魯之

不朝於周而鄭之不祭泰山也

朝天子所宿之邑謂之朝宿泰山非鄭竟內從天王巡守

受命而祭也擅相換易則知朝祭並廢

述曰 闕

又天地大

莊二十五年六月辛未朔日有食之穀梁子曰言日

官朔食正朔也鼓用牲於社鼓禮也用牲非禮也天子救日

遣五麾陳五兵五鼓

麾旌旗也五兵牙戟鉞楯弓矢

諸侯置三麾陳三鼓三

兵大夫擊門士擊柝言充其陽也

凡有聲皆陽事以壓陰氣柝兩木相擊充實也

述曰 闕

又傳

莊二十五年秋大水鼓用牲于社于門穀梁子曰高下有

水災曰大水既戒鼓而駭眾用牲可以已矣救日以鼓兵救

水以鼓眾

述曰

又傳 盟 隱八年宋公齊侯衛侯盟于瓦屋穀梁子曰外盟不日

此其目何也諸侯之參盟於是始故謹而日之也

世道交喪盟詛滋彰

非可以經世軌訓故存日 誥誓不及五帝

五帝謂黃帝顓頊帝嚳帝堯帝舜也

以記惡蓋春秋之始也 誥誓不及五帝

三王謂夏殷周

諸誓尙書六誓七誥是其遺文五帝 盟詛不及三王

三王謂夏殷周

也夏后有鈞臺之享商湯有景亳之命 交質子不及二伯

二伯謂齊桓晉文齊桓有召陵之師晉文有踐土之盟諸侯率服不負任也

述曰

二十七 定十四年天王使石尙來歸服

賜祭肉天子祭畢以之賜同姓諸侯親兄弟之

國與之 服者何也俎實也祭肉也生日服熟曰膳其辭石尙

士也

辭猶書也

何以知其士也天子之大夫不名石尙欲書春秋

欲著名於春秋

諫曰久矣周之不行禮於魯也請行服賁復正也

述曰

闕

又廢祭

宣八年夏六月辛巳有事于太廟穀梁子曰仲遂卒於

垂

祭於太廟之日而仲遂卒垂齊地

爲若反命而後卒也

先書復後言卒使若遂已反命於君

而後卒於垂

此公子也其曰仲何也疏之也

傷十六年傳曰大夫不言公子公孫疏之

也何爲疏之也是不卒者也

遂與宣公共弑子赤

不疏則無用見其不

卒也

若書公子則與正卒者同故去公子以見之

則其卒之何也

據公子翬不書卒

以譏

乎宣也其譏乎宣何也聞大夫之喪則去樂卒事

去篇萬卒祭事言今

然壬午猶釋猶者可以已之辭也釋者祭之旦日之享實也

萬入去籥

萬舞名籥管也

以其爲之變譏之也

內舞去籥惡其聲聞此爲喇變於常禮是

知其不可而爲之

昭十五年二月癸酉有事于武宮籥入叔弓卒

去樂卒事穀梁子曰君在祭樂之中聞大夫之喪則去樂卒

事禮也祭樂者君在廟中祭作樂君在祭樂之中大夫有變以聞可乎禮

死大夫國體也君之卿佐是謂股肱故曰國體古之人重死君命無所不通

雖在祭樂之中大夫死以聞可也

述曰闕

二十八 庶羞傳 桓四年穀梁子曰四時之田皆爲宗廟之事也春日田

取獸於田夏曰苗因爲苗除害故曰苗秋曰蒐蒐擇之舍小取大冬曰狩狩圍狩也冬物畢成

獲則取之無所擇四時之田用三焉唯其所先得一爲乾豆上殺中

乾之以爲豆實可以祭祀二爲賓客次殺射辨三爲充君之庖下殺中勝

庖廚尊神敬客之義

禮先宗廟次賓客後殺祭大禮也二十一

述曰

又傳 案盛 桓十四年秋八月壬申御廩災乙亥嘗穀粢于曰御廩

之災不志以其微此其志何也以爲唯未易災之餘而嘗可也

志不敬也鄭嗣曰唯以未易災之餘而嘗然後可志也用火焚之餘以祭宗廟非人子所以盡其心力不敬之

也天子親耕以其粢盛天子親耕其禮三推王后親蠶以其

祭服王后親蠶齊戒躬桑夫人三練遂班三宮朱緣玄黃以爲黼黻文章服既成君服以祀之國非無良

農工女也以爲人之所盡事其祖禰不若以己所自親者也

凱曰夫治人之道莫急於禮禮有五經莫重於祭祭者非物

自外至者也由中出者身致其誠信然後可以交於神明祭

之道何用見其未易災之餘而嘗也曰甸粟而內之三宮三

宮米而藏之御廩甸甸師掌田之官也三宮三夫人夫嘗必

有兼甸之事焉夫人親春是壬申御廩災乙亥嘗以爲未易

兼甸之事

災之餘而嘗也

鄭嗣曰王申之刻城大則曰言用日至少而功多則未足及易而嘗

述曰

又一穀不升謂之嗛

升成也嗛不足貌

二穀不升謂之饑三穀不升謂

之饑四穀不升謂之康

康虛

五穀不升謂之大侵

侵傷

大侵之禮

禱而不祀

周書曰大荒有禱無祀襄公二十四年穀梁傳

述曰

又失禮

尸子曰舞夏自天子至諸侯皆用八佾初獻六羽始厲

樂矣

言時諸侯僭侈皆用八佾初於是能自減厲而始用六穀梁子言其始僭尸子言其始降隱五年穀梁傳

莊公二十三年秋丹桓宮楹二十四年刻桓宮桷穀梁子曰

禮天子諸侯勳壘

勳壘黑色

大夫倉士黻

黻黃色

丹楹非禮也天子

之桷斲之碧之加密石焉

以細石磨之

諸侯之桷斲之碧之大夫

斷之士斷本刻桷非正也夫人所以崇宗廟也取非禮與非
正而加之於宗廟以飾夫人非正也刻桓宮桷丹桓宮楹斤
言桓宮以惡莊也

不言新宮而謂之桓宮以桓見殺於齊
而飾其宗廟以榮歸國之女惡莊不子

述曰

闕

皇清經解續編卷十終

江陰馬銘
丹徒陳慶年校